

INUIT ATAQATIGIIT INATSIARTUNI



UKA2021/121

Ulloq: 30. september 2021

Knud Mathiasen

**Uunga siunnersuut: Utoqqalinersiaqarneq pillugu Inatsisartut
inatsisaata aamma Siusinaartumik pensionisiat pillugit Inatsisartut
inatsisaata allanngortinneqarnerat pillugu Inatsisartut inatsisaat.
(Isumaginninnermut Sulisoqarnermullu Naalakkersuisoq)**

Inuiaat Kalaallit Nunatsinni ukiorpanni sulereerlutik utoqqalisimasut pisuussutitta annersaraat, nunami maani sulerulussimareerlutik toqqissisimasumik pilluarnermillu misigiffiusumik utoqqalinissartik pisinnaatitaaffigivaat. Inuiaat assigiinngisitaartuunitta takutittarpaa tamatta assigiinngisitaartunik soqutigisaqartuusugut utoqqaat utoqqalinerminni ilaat oqimaatsunik ukiorpassuarni suliaqarnermikkut timikkut nungullarsimasut, ilaqarput ukiorpassuarnik inunnik isumaginninnikkut sullissisimanermikkut tarnikkut nungullarsimasut, ilaqarputtaaq timikkut, tarnikkut anersaakkullu peqqillutik utoqqalisartut.

Utoqqalineq periarfissagissaartoq inuiaat misigalugulu takusinnaasariaqarpaat tamanna Naalakkersuisut Kommunillu patajaatsumik, paaseqatigiiffiusumillu qanimut suleqatigiinnikkut.

Kommunit namminneq ilisimaarivaat inuttaasut qanimut suleqatigigamigit sullitartik ilisarisanerullugit taamaattumik Inatsisartut utoqqaat timikkut tarnikkullu peqqissut suli sulerusuttut periarfississinnaasariaqarpagut. Taamatuttaarlu oqimaatsuleralutik suleruloreersimallutik timikkut tarnikkullu nungullarsimasunut kommunalbestyrelsi aalajangersaanissaminut periarfissinneqassasoq tunngaviussaaq pitsaasoq.

Utoqqalinissaq toqqisissimanartuussappat akissaatitigut atukkat pitsanngorsarneqarnissaat pinngitsoorneqarsinnaanngilaq.

INUIT ATAQATIGIIT INATSIARTUNI



Taamatut oqaaseqareerlunga Isumaginninnermut Peqqissutsimullu
Ataatsimiititaliamut ingerlateqqippara.